

Zeitschrift: Annalas da la Societad Retorumantscha

Herausgeber: Societad Retorumantscha

Band: 63 (1949)

Nachruf: Sur prof. Dr. Gion Cahannes : 1872-1947

Autor: Fry, Carli

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

Download PDF: 22.08.2025

ETH-Bibliothek Zürich, E-Periodica, <https://www.e-periodica.ch>

Sur prof. Dr. Gion Cahannes

1872—1947

da Sur Carli Fry

Cun dr. Cahannes ei in um della veglia garda romontscha ius ella perpetnadad. Caspar Decurtins ha giu empalau il giuven Cahannes al studi e tgirau ses emprems pass en la veta publica. En de sias regurdientschas dil Caspar descriva il defunct, tgei impressiun che Decurtins hagi fatg sin el l'emprema gada ch'el hagi udiu a plidond il grond oratur sin ina fiasta de cant dellas scolas della Cadi sco ellas eran en usit dal temps de nos babs e tats. Schegie ch'el vevi mo ver 10 onns, hagi el per veta duronta salvau la regurdientscha de quei um che savevi s'entusiasmar enamiez la giuentetgna e communicar siu fiug a ses auditurs. Veginus empau pli gronds ei il pign Gion, suenter haver giu l'emprema instrucziun de latin da Sur Bistgaun Cathomen a Dardin, veginus cumpignaus da siu bab, in confident della politica dil Caspar en la gronda vischnaunca de Breil, tier il Mistral de Gravas. Leu ha el anflau en casa de quel in hosp, siu amitg Georges Python. Ils dus umens han entruidau Gion Cahannes per continuar ses studis a Friburg el collegi de s. Mihel e procurau per el bunas familias friburghesas che devan ad el dunsena gratuita. In di per jamna mava ed a dunsena en casa de Georges de Montenach, il spiritus estet ed um politic. Quei era ils anno 1888; Montenach era ual veginus eligius president central della Societad de Students svizzers — e 10 onns pli tard, 1898, ha Cahannes sez obtenu la medema honur. Ils onns de Friburg han purschiu bia al giuven Cahannes. Python, cun Decurtins il fundatur dell' universitat, ei daventaus siu protectur; Georges de Montenach siu amitg e cussegliader; professer Beck—Cahannes era denton all' universitat per studiar l' historia — siu ideal. Oravon denton ha ina amicezia tochen alla fossa ils onns de Friburg uniu il giuven erudit (Cahannes ha doctorau 1896 cun ina lavour magistrala sur la

claustra de Mustér) cun Decurtins. Las brevs dil Caspar a Cahannes e las regurdientschas dil defunct che nus vein allegau dat tan persuenter eloquenta perdetga. Il Caspar veva gronds plans per siu favoriu. Aschia leva el metter el a Basilea per redactur della gassetta catolica che valeva per igl organ de sia politica sociala, il Basler Volksblatt. Cahannes denton bratta ses studis cun la pasto raziun e vegn a Rabius, nua ch'el mida la caplania en pleiv.

A Rabius, ils onns 1900—1905, gauda el, stend mo in passet naven da Gravas, danovamein la scola dil «Liun de Trun». Tenor l'intenziun dil Caspar era Cahannes predestinaus per la professura d'istoria ecclesiastica al seminari de Cuera. Per preparar el per tal pensum introduceva Decurtins il giuven spiritual en quella scienzia, dend agli veritablas prelecziuns d'istoria della Baselgia ch'el dominava suveranamein. Sut sia egida ha Cahannes da lezzas uras scret pigl Ischi de 1902 l'istoria dils paders caputschins della missiun retica. In plan falliu sco aunc tonts auters digl um de Gravas plein ideas ed iniziativa: Per l'istoria el seminari ei enstagl dil historiograf per successur de prof. Müller in um della musica vegnius elegius (ina remarcabladad che ha a Cuera el medem liug fatg scola!), e Cahannes ei 1907 vegnius numnaus professer della doctrina catolica e dil romontsch alla scola cantonal de Cuera. Podà che la Providentscha haveva vuliu dar al pauper romontsch en digren ina forza qualificada. Scadin cass ha la nomina de dr. Cahannes alla scola cantonal mess el sin in camp de lavur plein success. Sia olma fundamentalmein romontscha ha entschiet a vibrar en quei liug che fuva aunc pleins de regurdientschas dil grond trubadur Muoth. Decurtins eis ei stau che ha animau el vinavon, interessond el per igl Ischi, per la Romania e per sia Crestomazia. Da Cuera ano ha Cahannes, per commissiun de Decurtins, organisau la collecziun dil tom de Schons. En siu niev post ha Cahannes entschiet a s'occupar dell' ortografia romontscha, publicond (egl Ischi) sias «Brevs da Crestault», lu siu «Entruidament» e sia «Grammatica romontscha». Ina vera pisiun pil romontsch dominava quei um, arrivaus, senza esser filolog de professiun, ad ina franca autoritat en fatgs dil romontsch. In maun dretg de prof. Vieli en la codificaziun dil romontsch sursilvan, ha el onns ed onns nunstunclenteivlamein fatg la lavur malengrazieivla de curreger tuttas publicaziuns sursilvanas ch'el pudeva tier, offi cialmein (mandats e Fegl Official della Curia) u meins officialmein.

En siu proceder sco correctur semussava siu uffeci de caplon d'armada: cheu senuspeva el buca d'esser dictator, e lu capitava ei ch'ei deva conflicts culs auturs, conflicts ton pli capeivels, perquei che Cahannes sez midava sia ortografia d'in decenni a l'auter, bu-namein d'in onn a l'auter — ins studegi mo las diversas ediziuns de ses cudischs d'oraziuns, u igl Evangelari, il catechismus e la nova bibla de scola. Ses merets pil romontsch — sin quei terren ha el ina ga pronunziau il plaid digl «anim grond», daventaus proverbs — ein nundiscutabels e vegnan a restar. Alla scola cantonala ha professer Cahannes, sper sia lavur pil romontsch, opera en moda exemplarica era per l'istoria e per l'instrucziun religiosa. Siu referat de 1910, agl emprem congress catolic della Svizzera per scola ed educaziun, sur errurs historicas en cudischs de scola svizzers, ha giu in eco nunspetgau, leventond prof. Oechsli de Turitg (Rätier 23 ss.), da vart radicala, e da vart catolica clamond la defensiun de Caspar Decurtins per sias tesas (Liberté 1911, 235 e 237).

Pleins premura en siu rom official de catechet per ils scolars catolics, eis el ina ga vegnius attaccaus da vart liberal-protestanta tochen el Cussegli Grond, senza che zatgi sappi renfatschar agli la minima incorrectad. Ses superiurs spirituals han adina renconuschiu ses merets, e la dignitat de canoni de Cuera ei stada mo ina mudesta pagaglia per tut quei che el ha fatg per il pievel catolic.

Sur Gion Cahannes era en sesez in um cul spért vast d'in erudit ed il cor pietus d'in affon innocent. Ils davos onns de sia veta transpareva sin sia fatscha la candur d'in' olma johannea. Evidentamein era el turnaus tier l'emprema amur religiosa de ses onns d'affonza. Buca per nuot haveva la «pintga sontga Tresa» de Lisieux entusiasmou el tut «da narr», per duvrar quei plaid ch'el duvrava aschi bugen: duas olmas parentadas de Natanael havevan en quels dus empriu d'enconuscher e carezar ils medems ideals cristians: la buontad e mudestiudad e bunafei che duess esser la tempra de scadin discipel dil Salvador cun sia devisa: Emprendeui da mei, jeu sun migeivels e buntadeivels da cor.

Sco all' entschatta de sia veta publica, cun la cesura de s. Lecidenter Rabius e scola cantonala, era la fin de sia veta ei stada ina gronda surpresa. Quei um che carezava siu Dardin ed il tschespet romontsch cun tut l'ardur de sia olma affonila, ei morts nunspetgadamein da lunsch da sia patria. Tuccaus dalla daguotta sper Son-

vico giul Tessin, nua ch'el passentava ils davos onns bugen sias vacanzas cun siu bien amitg e conscolar dr. Wymann d'Altdorf, ha el fatg siu davos viadi sil Crest de Dardin el vischi de bara. Mo ils Tessinès han teniu ad honour il grond amitg della Latinità: Per caudon de sia mort han ei erigiu el liug de sia mort in monument, e sil marmel legia il viandont che va dall' idillica claustretta de Bigorio engiuvolars a Sonvico la sempla inscripziun

«Can. Prof. J. Cahannes † 23 9 47.»

Pertgei dir depli? Igl auter stat scret el cudisch della veta.